



DIKTÉ KRÉYÒL 14 ÒTÒB 2022

Vakans a bitasyon

Lò nou té timoun, chak vakans nou té ka alé bitasyon Parakou pa bò Sennmari ké nou granmanman.

Manman nou granmanman, Man Yenn té ganyen roun ti kaz ofon danbwa divan roun pyémangng. Pou rivé koté Man Yenn nou té divèt janbé roun krik. Asou pyémangng-an nou té kroké roun balansin pou nou pwé jwé. Nou té kontan sa toubonnman!

Chak bonmanten lò nou té fini tchenbétchò nou té ka alé a krik. Pannan granmoun-yan té ka lavé lenj, nou menm timoun té ka fè konkour lakal. Mé plézi ! Man Titin té ka profité di gro soléy-a pou mété lenj-ya sèk asou zèrb-a. Dérantan nou té ka wè roun ti sèrpan ka fofilé pou monté anlè roun pyémorosif. * Tibolonm-yan menm té ka mété yékò òbò lari-a pou fè tout oto ki té ka pasé sin. Lò laklòch légliz sonnen midi tout moun té ka asi pou doujnen roun bon komou ké so poson salé. Apré sa bon manjé-a tout moun té gon !

Sètèr aswè Tonton Satirnen té ka fè roun gran laboukann pou chasé lavolé marengwen.

A sa ki té lavi!

Lya Radacina

* Dikté-a bout pou timoun lékòl élémantèr